

## Pablo Tesalónicacjārārē ojamũ'tāca pūrĩ ni'i

*A'ti pūrĩ a'tiro weero ojano'pã nise ni'i*

Pablo Tesalónica, Macedonia di'tapũ nirĩ macācjārārē ojacũ niwĩ. A'ti pūrĩrē ojacũ, Corintopũ nicũ niwĩ. Todũporopũre cũ basuta narē Jesucristo yere were, cūrē ějõpeori curu-acjārã sājãcã weecũ niwĩ. Cũ ějõpeocã wéeca be'ro Timoteo añuse quetitĩ ejacã tũ'ogũ, maata narē a'ti pūrĩrē ojacũ niwĩ. Na añurõ weesere tũ'ogũ, Õ'acūrē e'catise o'ocũ niwĩ. Tojo nicã Jesucristore ějõpeosere weenemocã uasãgũ ojacũ niwĩ. Na cūrē sērĩtiña'quere yũ'tigũ ojacũ niwĩ. Cũ Jesucristo apaturi a'tiatjere ojacũ niwĩ.

*Pablo cũ me'rācjārã me'rã Tesalónicacjārã Jesucristore ějõpeorārē oja'que ni'i*

<sup>1</sup> Yũ'u Pablo, yũ'u me'rācjārã Silvano, Timoteo me'rã mūsārē a'ti pūrĩrē oja'a. Mūsã Tesalónicacjārārē marĩ pacũ Õ'acũ, marĩ wioqũ Jesucristo yarārē añudutise o'o'o. Õ'acũ mūsārē añurõ weeato. Mūsārē ejerisājãcã weeato.

*Pablo Tesalónicacjārã na añurõ weesetisere tũ'ogũ Õ'acūrē sērĩbosa'que ni'i*

<sup>2</sup> Mūsārē ũsã ñubuesetirinũcũ marĩ pacũ Õ'acūrē e'catise o'onu'cũcã'a. <sup>3</sup> Cūrē ñubuerã,

a'tiro ni'i. "Õ'acũ, Tesalónicacjãrã mu'u macũ Jesucristore ãjõpeorã añurõ weesetisama. Na ma'isere ï'orã, ãpẽrãrẽ añurõ weetamusama. Jesucristo cũ apaturi a'tiatjere e'catise me'rã yucuerã weesama. Tojo weerã cũrẽ ãjõpeodu'utisama", ni ñubue'e Õ'acũrẽ.

<sup>4</sup> Õ'acũ musãrẽ ma'imi. Cũ, yarã niato nígũ besecu niwĩ. Ûsã a'tere masĩ'i. <sup>5</sup> Musãrẽ Jesú ye quetire wererã, ùsã ye useri me'rã dia'cũ weretiwu. Espíritu Santu tutuase me'rã werewu. Ûsã bu'ese diacjũta ni'i nírá, musãrẽ bu'ewu.

Musã masĩsa'a. Ûsã topu nírá, musãrẽ ma'írá, añurõ weesetiwu. <sup>6</sup> Musã ùsã weequere ï'acũurã, ùsã weronojõta weeseticãrã niwũ. Tere wéerã, Jesucristo weeseti'caronojõta weecãrã niwũ. Musãrẽ Espíritu Santu e'catise o'ocã, uputu pi'etimirã, Jesucristo ye quetire ñ'ewũ. <sup>7</sup> Tojo weerã musã Jesure ãjõpeosere ï'orã, añuse queose nipe'tirá ãpẽrã Jesure ãjõpeorãrẽ o'ocãrã niwũ. Musã ya di'ta Macedoniacjãrãrẽ, tojo nicã ãpẽrã a'ti di'ta Acayacjãrãrẽ tojo weecãrã niwũ. <sup>8</sup> Musã me'rãta marĩ wiogu Jesú ye queti nipe'tiropu se'sa wa'a'a. Macedonia, Acaya dia'cũ mejõtare se'saro weewe'e. Nipe'tiropu musã Õ'acũrẽ ãjõpeosere masĩpe'titojama. Tojo weerã tere ãpẽrãrẽ werewe'e. <sup>9</sup> Mejõ na pe'eta musã weesetisere quetiwerema. Ûsã musã tiropu nicã, musã ùsãrẽ añurõ weequere werema. Apeyema, musã queose yee'cãrãrẽ ãjõpeodu'u'quere werema. Tere

du'u, ni'cārōacārē Ō'acũ catigu diaçjũ nigũ pe'ere ějōpeo, cũ uaro weeaporo. <sup>10</sup> Ō'acũ cũ macũ Jesú u'musepu nigũrē, cũ apaturi a'tiatjere e'catise me'rã yucuerã weeaporo. A'tere ãpẽrã ũsãrē quetiwerema musã weesetisere. Ō'acũ cũ macũ wẽrĩ'cupure masõcu niwĩ. Cũ Jesúta nimi marĩ upũtu bu'iri bocabo'quere yu'ruo'cu.

## 2

*Pablo Tesalónicapũ cũ bu'e'quere quetiwerere'que ni'i*

<sup>1</sup> Acawererã, musã a'tere añurõ masĩsa'a. Ũsã Tesalónicapũ sjarã, mejõ warota bu'e-cusiaticãrã niwũ. Ũsã bu'esere tu'orã, musã pãjãrã Jesure ějōpeowũ. <sup>2</sup> Ũsã musã tiropũ wa'ase dũporo ũsã Filipopũ niwũ. Topũ nicã, tocjãrã ũsãrē tãrã, ña'arõ bujicã'wã. Musã tere masĩsa'a. Musã ya macãcjãrã quẽ'rã ũsã weresere cã'mota'asĩ'rĩmiwã. Na tojo weemicã, Ō'acũ ũsãrē añurõ wãcũtutuase o'owĩ. Tojo weerã cũ ye quetire uiro marĩrõ werewũ. <sup>3</sup> Musãrē Jesú ye quetire wererã, mejẽcã pe'e weretiwũ. Ña'arõ weesĩ'rĩrã, numiarẽ a'metãrãsi'rĩrã, weeta'sase me'rã weretiwũ. <sup>4</sup> Ō'acũ pe'e ĩ'abesetojagupũ cũ ye queti weresere cũugũtigu ũsãrē besecu niwĩ. Masã ũsã me'rã e'catiato nĩrã mejẽta cũ ye quetire werewũ. Ō'acũ pe'ere e'catidutirã werewũ. Ō'acũ nimi nipe'tise marĩ wãcũsere masĩgũ. <sup>5</sup> Ũsã topũ nĩrã, ne ni'cãti musã yere

uaripejarã, añurõ ucũta'sa weretiwũ. Musã a'tere masĩsa'a. Õ'acũ quẽ'rã diacjũta ũsã wãcũsere masĩsami.

6-7 Ësã Jesú o'ó'cãrã ni'i. Tojo weerã “Ësãrẽ wiorã weronojõ ï'aña”, nímasĩbopã. Tojo nita basiomica, ne ni'cãrẽ nitiwũ. A'tiro pe'e weewũ. Ni'cõ numio co macũrẽ co'te mi'o masõsamo. Co weronojõ ũsã quẽ'rã musã tiropũ nírá, musãrẽ ma'írá, tojota weewũ.

8 Musãrẽ ma'írá, Õ'acũ ye queti dia'cãrẽ weretiwũ. Nipe'tise ũsã põtëorõ weeta-muta basiosere weetamuwã. Musãrẽ uputu ma'icãti.

9 Ësã topũ nírá da'ra'quere musã wãcũsa'a. Musãrẽ Õ'acũ ye quetire wererã, peje caribose o'osĩ'rĩtiwũ. Tojo weerã ũsãrẽ a'mácaticã'to nírá ũsã basu da'rawũ. Ñamirĩ, umucori yóacãta ũsã ba'atjere, ũsãrẽ du'sasenojõrẽ wapata'arã da'rawũ.

10 Ësã weeseti'quere musã ï'awũ. Õ'acũ quẽ'rã masĩsami. Musã Jesucristore ëjõpeorã me'rã nírá, ũsã weesooro marĩrõ nisetiwũ. Mejëcã weetiwũ. Õ'acũ uaronojõ nisetiwũ. Tojo weerã ãpërá ũsãrẽ “Na bu'iri cuoma” nirõ marĩrõ nicã'wã. 11-12 Ni'cũ cũ põ'rãrẽ weronojõta ũsã quẽ'rã musãnucũrẽ werewũ. E'catise, wãcũtutuasere musãrẽ o'owũ. Õ'acũ põ'rã weronojõta nisetidutiwũ. Musãrẽ Õ'acũ cũ põ'rã niato nígũ besesami. Tojo nicã musãrẽ cũ me'rã cũ asistese nirõpũ ninu'cũdutisami.

13 Apeye musã ye cjasere wereguti. Õ'acũ ye quetire werecã, musã “Õ'acũ ye ucũse ni'i”

nírã, maata êjõpeowu. “Masã na ucũsere êjõpeobosau”, nitiwu. Musã tojo weesere wãcũrã, Ô'acũrẽ e'catise o'onu'cũcã'a. Ũsã musãrẽ were'que Ô'acũ ucũse warota niwũ. Te queti me'rãta Ô'acũ cũ uaro weeato nígu musãrẽ siape me'rã ducayunu'cũgũ weemi.

<sup>14</sup> Musã Jesucristore êjõpeocã, musã ya di'tacjãrã musãrẽ pi'etise o'ocãrã niwã. Judea di'tapu quẽ'rãrẽ na acawererã judío masã musãrẽ wa'a'caronojõta Jesure êjõpeorãrẽ weecãrã niwã. <sup>15</sup> Judío masãta dũporocjãrãpu quẽ'rãrẽ Ô'acũ ye queti weremu'tãrĩ masãrẽ wẽjẽcãrã niwã. Marĩ wiogu Jesure tojota weecãrã niwã. Ũsã quẽ'rãrẽ musã ya macãpu nicã, ũsãrẽ uatirã, cõ'acã'wã. Tojo weegu Ô'acũ na me'rã tũ'satisami. Judío masã nipe'tirã Jesure êjõpeorã me'rã cumuca dia'cũ uacã'ma. <sup>16</sup> Judío masã nitirãrẽ Ô'acũ yu'ruocã uatima. Tojo weerã narẽ Jesú ye quetire werecã uasãtirã, a'tiro weewã. Ũsã narẽ were-sere cã'mota'asĩ'rĩmiwã. Na ña'arõ weese siape me'rã nemorõ wee'e. Tojo weerã na pajibutiaro bu'iri cuoma. Na yu'runu'cãpose bu'iri ni'cãrõacãputa na Ô'acũ bu'iri da'resere bocarãsama.

*Pablo quẽ'rã Tesalónicacjãrãrẽ ï'arã wa'asĩ'rĩmi'que ni'i*

<sup>17</sup> Ũsã musã tiropure wijawã'cãtica be'roacã maata musãrẽ ï'asĩ'rĩmicãti. Ũsã upu topu nitimicã, musã tiropu dia'cũ ejeripõ'rãtiwu. Topure uputu wa'asĩ'rĩmiwũ tja. <sup>18</sup> Pejetiri

yu'u Pablo basu pe'eta "Wa'aguti", nimiwũ. Ũsã topu wa'asĩ'rĩsetirinucũ wãtĩ ũsãrẽ cã'mo-ta'amujãwĩ. <sup>19-20</sup> Musãta ni'i ũsãrẽ e'catise o'orã. Tojo weerã musãrẽ pũrõ ã'asĩ'rĩsa'a. Marĩ wioqu Jesú cũ apaturi a'ti turipu a'ticã, cũrẽ wererãti musã ye quetire. A'tiro nirãti: "Ã'rãta nima ũsãrẽ e'catise o'o'cãrã. Narẽ mejõ waro mu'u ye quetire weretiwu. Na tere tu'orã, mu'urẽ añurõ ãjõpeowã. Tojo weerã pũrõ e'cati'i na me'rã", nirãti cũrẽ.

### 3

<sup>1-2</sup> Musã ye quetire tu'osĩ'rĩrã, põtẽoticãti. Tojo weerã musã tiropu Timoteore ã'adutirã o'ówu. "Ũsã pe'e Atenapu tojarãti", niwũ. Timoteo ũsã me'rãcjũ Jesú ye quetire were-cusiatamugũ nimi. Cũ musãrẽ Jesure nemorõ ãjõpeocã weegusami nĩrã, o'ówu. Tojo nicã wãcũtutuanemosere wereato nĩrã cũrẽ o'ówu. <sup>3-4</sup> Æpẽrã masã musã Jesure ãjõpeocã ã'arã, ã'atu'ti, bujicã'sama. Na tojo weecã, Jesure ãjõpeodu'uticã'to nĩrã Timoteore weredutirã o'ówu. Ũsã topu nĩrã, musãrẽ a'tere wereyuto-jawu. "Marĩ Jesure ãjõpeorã, pi'etino'rõsa'a", niwũ. Ũsã ní'caronojõta marĩ nipe'tirãrẽ queoro wa'aro wee'e. Musã tere masĩsa'a. <sup>5</sup> Musã Jesure ãjõpeosere masĩsĩ'rĩgũ põtẽoti, ¿de'ro wa'amiti narẽ? nĩgũ, musã ye quetire miitidutigu Timoteore o'ówu. "Apetero weegu musãrẽ wãtĩ Jesure ãjõpeodu'ucã weecã'pĩ", nicãti. ¿Ũsã bu'e'que ne wapamarĩpari? ni masĩsĩ'rĩgũ cũrẽ o'ówu.

*Tesalónicacjãrã ye quetire Timoteo quetiti eja'que ni'i*

6 Ni'cãrõacãrẽ Timoteo musã tiropu ní'cũ dajatojami a'topure. Cũ musã yere añuse quetiti dajami. A'tiro niami: “Na Jesure ãjõpe-onu'cũcã'ma. Na basu añurõ a'merĩ ma'ise-tiama. Marĩrẽ ma'ise me'rã wãcũnu'cũcã'ma. Marĩrẽ pũrõ i'asĩ'rĩama marĩ narẽ i'asĩ'rĩrõno-jõta”, ni quetiti dajami. 7 Musã Jesure ãjõpeose quetire tu'orã ãsã pi'etimirã, e'cati'i. 8 Marĩ wioɣu Jesure ãjõpeonu'cũcã tu'orã, yujuputa ãsã ejerisãjãse cuo'o. 9 Tojo weerã musãrẽ wãcũrã, e'catiyu'ruasa'a. Õ'acũrẽ musã ye cjasere ãsã ¿de'ro wee e'catise o'opõtẽobosau? Basiowe'e. 10 Namirĩ, umucorita yóacã Õ'acũrẽ sãrĩnu'cũcã'a musã tiropu wa'asĩ'rĩrã. Musãrẽ Jesú yere wereya-pada'reosĩ'rĩsa'a.

11 Õsã marĩ pacu Õ'acũrẽ, marĩ wioɣu Jesure a'tiro sãrĩ'i. “Tesalónicacjãrã tiropu ãsãrẽ o'óya. 12 Nemorõ na basu a'merĩ ma'iset-icã weeya. Nipe'tirã ãpẽrã quẽ'rãrẽ ma'icã weeya. Narẽ ãsã ma'irõnojõta na quẽ'rã ãpẽrãrẽ ma'iato. 13 Õ'acũ, mu'urẽ ãjõpeodu'u-ticã'to. Mu'u haro weeato. Narẽ wãcũtutuacã weeya. Mu'u narẽ tojo weecã, mu'u i'orõpu bu'iri marĩrã nirãsama. Tojo weerã Jesú ap-aturi a'ti turipure cũ yarã me'rã a'ticã, bu'iri marĩrã nirãsama.” A'tiro ni sãrĩbosa'a musã ye cjasere marĩ pacu Õ'acũrẽ.

## 4

*Pablo Jesure ějõpeorãrẽ Ô'acũ tu'saronojõ weeduti'que ni'i*

<sup>1</sup> Apeye musã ye cjasere werenemosi'rĩsa'a. Yu'u basu dutise mejęta ni'i. Marĩ wioęu Jesú dutisere were'e. Ŭsã musãrẽ duti'caronojõta Ô'acũ tu'sasenojõrẽ weeya. Musã ni'cãrõacãrẽ Ô'acũ duti'quere weerã wee'e. Siape me'rã nemorõ weenemoña. <sup>2</sup> Ŭsã were'quere musã masĩsa'a. A'tere wererã, Jesú marĩ wioęu cũ dutiro me'rã musãrẽ werewu.

<sup>3</sup> Ô'acũ cũ uaro weecã tu'sasami. Cũ yarã weronojõ weesetiya. Musã numosãnumia, musã marãpusumua nitirãrẽ a'metãrãticã'ña. <sup>4</sup> Musãnućũ wiopesase me'rã ña'arõ weei'orõ marĩrõ omocã du'te, numotiburoya. Musã tojo weecã ĩ'arã, ãpẽrã "Añurõ weema", nirãsama. <sup>5</sup> Ô'acũrẽ masĩtirã numiarẽ ña'arõ weesi'rĩrã, uaripejasama. Musã na weronojõ niticã'ña. Mejõ wãcũtutuaya. <sup>6</sup> Ne apĩ numorẽ a'metãrãticã'ña. Musã apĩ numorẽ a'metãrãrã, co marãpũre ña'arõ weerã weesa'a. Ô'acũ a'te ña'ase weerãrẽ bu'iri da'reęusami. Todũporopũ musãrẽ weretojawu a'te nućũĩ'ase quetire. <sup>7</sup> Ô'acũ marĩrẽ ña'asere weedutiticu niwĩ. Añuse pe'ere cãrẽ ějõpeorã weesetironojõ weeduticu niwĩ. <sup>8</sup> No'o a'te bu'esere teerãnojojõ ũsãrẽ teerã mejęta weesama. Ô'acũ pe'ere teerã weesama. Ô'acũ marĩrẽ cũ uaro weedutigũ Espĩritu Santure



o'ócũ niwĩ. Tojo weerã cũ ɯaro weetirã, "Õ'acũ, mɯ'urẽ ɯawe'e", nirã weesama.

<sup>9</sup> Mɯsã a'merĩ ma'isetise pũrĩcãrẽ werewe'e. Õ'acũ cũ basu pe'e Espíritu Santu me'rã mɯsãrẽ a'merĩ ma'idutitojacũ niwĩ. <sup>10</sup> Mɯsã ya di'ta Macedoniacjãrãrẽ nipe'tirã Jesure ẽjõpeorãrẽ ma'isetirã, cũ duti'caronojõ weerã wee'e. A'te pe'ema mɯsãrẽ wereguti. Jesure ẽjõpeorãrẽ nemorõ ma'inemoña. <sup>11</sup> Añurõ cumuca marĩrõ nisetiya. Æpẽrãrẽ queti pooticã'ña. Mɯsã ye nitisere, Æpẽrã ye cjasere ucja wãcũnũrũticã'ña. Mɯsã ye pe'ere wãcũña. Mɯsã da'rasede cuosere añurõ da'rasetiya. Nijĩsijaticã'ña. Todũporopure mɯsã tiropũ nírã, a'tere weretowawũ. <sup>12</sup> Mɯsã tojo añurõ da'rarã, Æpẽrã a'mácano'ña marĩrãsa'a. Mɯsã basu da'rasede me'rã catirãsa'a. Mɯsã tojo weecã ì'arã, Jesure ẽjõpeotirã mɯsãrẽ añurõ wiopesasede me'rã wãcũrãsama.

*Jesú apaturi a'ti turipũ a'tiatje queti ni'i*

<sup>13</sup> Apeye tja wereguti. Wẽrĩ'cãrãpũ de'ro wa'arãsari nisere mɯsãrẽ werecasanũ'cõsĩ'rĩsa'a. A'tere masĩrã, Jesure ẽjõpeorã na wẽrĩcã, pũrõ bujawetisome. A'tiro ni'i. Jesure ẽjõpeorã wẽrĩrã, cũ tiropũ cũ me'rã ninu'cũcã'rãsama. Cũrẽ ẽjõpeotirã pũrĩcã cũ tiropũ ne wa'asome. Tojo weerã Jesure ẽjõpeotitjĩarã, na me'rãcjãrã, na acawererã wẽrĩcã, pũrõ bujawetisama. Mɯsã pũrĩcã Jesure ẽjõpeo'o. Tojo weerã na weronojõ bujaweticã'ña. <sup>14</sup> Marĩ a'tere ẽjõpeo'o.

Jesú wěri'cupu masăcu niwĩ. Cũ apaturi a'ti turipu a'ticã, cŭrě ějõpeorã wěri'cãrãrě Ő'acũ cũ macŭrě masõ'caronojõta masõgŭsami. Masõtoja, cũ tiropu miagŭsami.

<sup>15</sup> Ni'cãrõacãrě marĩ wiogu Jesú were'quere mŭsãrě wereturiarã wee'e. Jesú a'ti turipu apaturi a'ticã, Jesure ějõpeorã cŭrě põtěrĩrã wa'arãsama. Cŭrě põtěrĩrã, marĩ catirã ãpěrã wěri'cãrã duporo u'mutãwã'cãsome. <sup>16</sup> A'tiro pe'e wa'arosa'a. Jesú cũ ucŭse dutise me'rã u'mŭsepu a'tigusami. Ő'acŭrě wereco'terã wiogu uputu ucũquejo, Ő'acũ yaro putiro coronetare putigusami. Tojo wa'acã, Jesure ějõpeorã wěri'cãrã ape upu me'rã maŭãmũ'tãrãsama. <sup>17</sup> Na be'roacã marĩ Jesure ějõpeorã que'rã a'ti nucũcãpu catirã o'mecururipu na me'rã mŭjãarãsa'a. Topu Jesure põtěrĩrãsa'a. Tojo wee cũ me'rã nin-u'cũcã'rãsa'a.

<sup>18</sup> Mŭsã a'tere ãpěrãrě wereturiaja. Tojo weerã mŭsã a'merĩ wãcũtutuacã weerãsa'a.

## 5

<sup>1</sup> Di namu, no'ocãtero nicã Jesú apaturi a'tigusari nisema masĩno'ña marĩ'i. Tojo weerã mŭsãrě werewe'e. <sup>2</sup> Queose me'rã mŭsãrě wereguti. Ni'cũ yajari masũ ñamipu wãcũña marĩrõ yajagu a'tisami. Cũ weronojõta Jesú que'rã marĩ ne wãcũtiri cura a'tigusami. Mŭsã cũ wãcũña marĩrõ a'tiatjere masĩtojasa'a. <sup>3</sup> Jesure ějõpeotirã cũ apaturi a'tiatji duporoacã a'tiro wãcũrãsama. "Ŭsã uiro marĩrõ añurõ nicã'a", nirãsama. A'tiro na

wăcŭcŭnărĭ cura narĕ peje ña'ase wa'arosa'a. Ni'cŏ nijĭpaco wăcŭña marĭrŏ wĭ'magŭ wuatji đuporoacă pŭrĭse pi'etinŭ'căsamo. Na quĕ'ră Jesure ějŏpeotiră tojota wăcŭña marĭrŏ uputu pi'etirăsama. Ne ni'cŭ yu'rŭwetisome. <sup>4</sup> Masă Jesure ějŏpeotiră na'itĭ'arŏpu niră weronojŏ nisama. Na cŭrĕ yu'rŭnŭ'că, cŭ ŭaro weetisama. Musă pŭrĭcă na weronojŏ ni-we'e. Tojo weeră Jesú cŭ apaturi a'ti di'tapu a'tică, ĭ'aucŭasome. Yajari masŭrĕ ĭ'a-marĭarŏ weronojŏ wa'asome. <sup>5</sup> Musă ña'ase weeseti'quere Jesú acobojotojacu niwĭ. Tojo weeră bo'reyuro, ŭmŭcopu niră weronojŏ ni'i. Marĭ Jesú yară ña'ase weeborănojŏ ni-we'e. Jesure ějŏpeotiră pe'e ña'arŏ weesetisama. Na'itĭ'arŏ, ñamipu niră weronojŏ nisama. <sup>6</sup> Marĭ cărĭră weronojŏ nitică'ră. Jesú apaturi a'tiatjere wăcŭtiră, cărĭră weronojŏ nisama. Marĭ pe'e cŭ a'tiatjere aňurŏ tŭ'o-masĭse me'ră wăcŭnŭrŭră. Ña'ase weesĭ'rĭră, wăcŭtutuară. <sup>7</sup> Ñamipu masă cărĭma. Que'ari masă ñamiputa que'asama. <sup>8</sup> Marĭ pe'e Jesú yară ŭmŭcopu niră weronojŏ ni'i. Tojo weeră marĭ weesere aňurŏ tŭ'oňa'nŭ'cŏtojarăpu weesetiră. Queose me'ră wereguti. Ni'cŭ surara a'mewĕjĕrŏpu wa'agu, cŭ upure că'mota'agu cŏmesu'tirore săňasami. Cŭ weronojŏta marĭ wătĭrĕ că'mota'ară Ő'acŭrĕ ějŏpeonu'cŭcă'ră. Āpĕrărĕ ma'iră. Đupoare că'mota'ară cŏmesapeare pesaro weronojŏ Jesú cŭ apaturi a'tiatjere, marĭ cŭ me'ră ninu'cŭatjere wăcŭnŭrŭră. Marĭ tojo weecă, wătĭ

marĩrẽ ña'arõ weemasĩtisami.

<sup>9</sup> Õ'acũ bu'iri bocato nígũ mejẽta marĩrẽ besecu niwĩ. Mejõ marĩ bu'iri cuobo'cãrãrẽ marĩ wiogu Jesucristo me'rã yu'ruocu niwĩ.

<sup>10</sup> Cũ me'rã ninu'cũcã'to nígũ marĩrẽ wẽrĩbosacu niwĩ. Tojo weerã cũ apaturi a'ticã, cũrẽ ãjõpeorã wẽrĩ'cãrã, marĩ catirã cũ me'rã ninu'cũcã'rãsa'a. <sup>11</sup> Tere wãcũrã, müsã ni'cãrõacã weesetironojõta ãpẽrãrẽ a'merĩ weetamu, wãcũtutuacã weeya.

*Pablo Tesalónicacjãrãrẽ cũ werecasa'que ni'i*

<sup>12</sup> Acawererã, müsãrẽ a'tiro weecã uasa'a. Õ'acũ ye queti wererãrẽ, cũ bese'cãrãrẽ wiopesase me'rã ña'ã. Õ'acũ narẽ cũ ye quetire bu'edutigu, müsãrẽ werecasadutigu cũucu niwĩ. <sup>13</sup> Na müsã de'ro wee nisetiatjere wererã, upũtu da'rama. Tojo weerã ma'ise me'rã narẽ wãcũña. A'merĩ a'pepũriticã'ña. A'merĩ añurõ nisetiya.

<sup>14</sup> Apeye müsãrẽ werenemorãti. Nijĩsijarãrẽ da'radutiya. Wãcũque'tirãrẽ wãcũtutuacã weeya. Õ'acũ yere weetutuatirãrẽ weetamuña. Müsãrẽ mejẽcã wa'acã, uayeticã'ña. Nu'cãña. <sup>15</sup> Müsãrẽ ãpẽrã ña'arõ weecã, narẽ a'meticã'ña. A'tiro pe'e weeya. Müsã me'rãcjãrãrẽ, nipe'tirãrẽ añurõ weenu'cũcã'ña.

<sup>16</sup> E'catise me'rã ninu'cũcã'ña. Bu-jaweticã'ña. <sup>17</sup> Müsã no'o nirõ, no'o wa'aro Õ'acũrẽ wãcũ ñubueni'cũcã'ña. <sup>18</sup> Müsãrẽ ña'arõ, añurõ wa'acã quẽ'rãrẽ, Õ'acũrẽ

e'catise o'onu'cũcã'ña. A'te nipe'tisere Õ'acũ marĩ Jesucristore ãjõpeorãrẽ weecã ɯasami.

<sup>19</sup> Espĩritu Santu musã wãcũsepure werecã, cã'mota'aticã'ña. Yu'tiya cũ dutisere. <sup>20</sup> Õ'acũ ye queti weresere tu'orã, yabi bujicã'ticã'ña.

<sup>21</sup> A'tiro pe'e weeya. Na weresere wãcũ, tu'o-casanu'cõpe'ocã'ña. Añuse nicã, tere weeya.

<sup>22</sup> No'o ña'ase nisenojõrẽ weeticã'ña.

<sup>23</sup> Õ'acũ ejerisãjãsere o'ogu musãrẽ a'tiro weeato. Siape me'rã añurõ, ña'ase marĩrõ, cũ ɯaro dia'cũ weecã weeato. Musã ejeripõ'rãrĩrẽ, musã wãcũsere, nipe'tiro musã upure co'teato. Cũ a'tiro weecã, marĩ wiogu Jesucristo apaturi a'tigu, musãrẽ bu'iri marĩrã bocaejagusami. <sup>24</sup> Õ'acũ musãrẽ bese'cu nipe'tise cũ “Weeguti” ní'quere queoro weegusami. Tojo weegu ãsã musãrẽ sãrĩbosasere yu'tigusami. <sup>25</sup> Acawererã, ãsã quẽ'rãrẽ Õ'acũrẽ sãrĩbosaya.

<sup>26</sup> Nipe'tirã tocjãrã Jesure ãjõpeorãrẽ ma'ise me'rã añudutiya.

<sup>27</sup> Marĩ wiogu Jesú cũ dutiro me'rã a'ti pũrĩrẽ nipe'tirã Jesure ãjõpeorãrẽ bu'eĩ'oduti'i.

<sup>28</sup> Jesucristo marĩ wiogu musãrẽ añurõ weeato.

Tocã'rõta oja'a.

Pablo

**Õ'âkĩ hi yeere uúkũri turi Tukano**  
**New Testament in Tucano (BR:tuo:Tucano)**

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

**Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tucano

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-12-01

---

PDF generated using Haiola and XeLaTeX on 22 Sep 2022 from source files dated 9 Oct 2020

00ebd04f-7b0d-5a72-9407-eb53ae2bd086